



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Epistola I. Ioannis Papae X. Ad Herimannvm Archiepiscopvm Coloniensem.
Iubet vt Romam veniat vna cum Hilduno & Richario qui de Tungrensi
episcopatu contendebant.

urn:nbn:de:hbz:466:1-15625

EPISTOLA I.

IOANNIS PAPÆ X.

AD HERIMANNVM ARCHIEPISCOPVM
COLONIENSEM.

Iubet vt Romam veniat vna cum Hilduino & Richario
qui de Tungrensi episcopatu contendebant.

Joannes episcopus seruus seruorum Dei reverentissimo & sanctissimo confratri nostro Herimanno sanctæ Coloniensis ecclesiæ archiepiscopo.

CV M simus dominicæ plebis superna miseratione re-
ctores , studiosius nos conuenit Dei præsidium pro
subditorum sæpe cogitare salute , ne frustratis , quod ab-
fit , animabus antiqui hostis insidiis , ante omnium pasto-
rem districtam cogamur soluere rationem : quia ideo fi-
delis seruus & prudens domini super familia constitutus
esse dignoscitur , vt congruo tempore det illis fructum .
Congruo tempore sacerdotes præpositi Deo fructū dant ,
cum pro salute omnium sibi subditorum quod opportu-
num est offerunt . Et quia vestra fraternitas sententiam
Apostoli reprobauit operando , qui monet nullo modo 1. Tim. 5.
alicui leuiter manus imponere , cum Hilduinum , cano-
nicis sibi obuantibus regulis , absque clericorum electio-
ne , & laicorum acclamazione , Gisleberti metu , episco-
pali infula decorare non denegastis , cum prisca consue-
tudo vigeat , qualiter nullus alicui clericō episcopatum
conferre debeat , nisi rex , cui diuinitus sceptra collata sunt .
Quo vero ordine Gislebertus hoc quod illi concessum non
est agere non metuit , vt arbitror , quia illicite præsumpsit ,
rationabiliter imbecille permanebit . Tamen quia Riche-
rus , vt Caroli regis testimonium perhibet , atque nostri
dilecti filii Berengarii gloriofissimi imperatoris literæ te-
stantur , primitus a clero electus , & a populo expetitus est ,
cur donum sancti Spiritus , quasi temporale commodum ,
cui non licuit imponere non distulisti , omnino miramur ,
cum scriptum sit : *Intelligens gubernacula possidebit . In vete-* Prov. 1.
ri etiam testamento diuina lege sanctum est , vt sacerdo- Lev. 7.
tes de sacrificio Domini pectusculum sumant . Non equi-

Concil. Tom. 25.

B ij

Jerem. 15.

dem ob aliud, nisi vt in sacrificio discant, quid de semet-
ipsis ipsi suo conditori debeant immolare. Et cum nos met-
ipsos Deo offerre sedulo debeamus, cur alias errantes se-
qui non contemnimus, cum scriptum sit: *Si separaueris pre-
ciosum a vili, quasi os meum eris?* Igitur quia magis hominis
quam Dei formidine metuistis, quod inutiliter gestum est,
nostra imbuti admonitione, vt citius emendare dele&temi-
ni omnino monemus. Valde namque admirari non distu-
limus, cur contra rationem absque regis iussione agere
pertentastis, cum vobis reminiscentibus hoc nullo mo-
do esse debeat, vt absque regali præceptione in qualibet
parochia episcopus sit consecratus. Tamen mediante
Octobrio ad limina apostolorum cum Hilduino & Ri-
chero venire satagite, vt ante præsentiam nostri nostro-
rumque episcoporum coadunati, quid ex hoc canonica
iubeat auctoritas explicare non denegetur. Et si forsitan
pro Paganorum metu tunc venire non valetis, in Kalen-
dis Aprilis, omni occasione postposita, ad nos quanto-
cius, sicut superius statutum est, peruenite. Et tunc omni
errore radicitus extirpato, qui dignus inuentus fuerit, per
ostium ingrediatur in ouile ouium, & non aliunde, vt
fur æstimetur. Quia nos Caroli regis decus nullo modo
auferre volumus, sed pro vigore atque dilectione, vel
consanguinitate nostri dilecti filii Berengarii gloriosissi-
mi imperatoris, vt prior antecessorum suorum regum
mos fuit, eum ita illibatam atque inconcussam domina-
tionem obtinere dele&tamur: & sicut priores suos an-
tecessores, nostrorum antecessorum auctoritate, episco-
pum per vnamquamque parochiam ordinare probabi-
liter statutum est, ita vt Carolus rex faciat confirmando
iubemus. Tamen vsque ad illius temporis, sicut superius
statutum est, Leogis episcopatus in vestra maneat pote-
state: ita vt Hilduinus illic aliquod sacerdotale ministe-
rium nullo modo audeat exhibere.

His apostolicis Romam vocati præceptis, eiusdem
domni papæ sanctorumque Canonum auctoritate, eo
vos præscripto ineuitabiliter inuitamus tempore. Vale-
re vestram optamus almitatem, semper memores vestri
memoris.